

խանք հեռացուցանելով յիւրմէ և չհաւատալով նոցա զանձն իւր, շուրջ և բոլորն իւր ժողովեց զԻլախացն ազգն, և նոքօք շրջէր. և ընդ նոսա զամենայն ինչ և պէտս կատարէր և հոգայր: Եւ եկաց այս կերպիւ ի Խոզդինն չորս ամիս. և յետոյ եկին մեծարարքն իւր և եպիսկոպոսն իւրեանց. և երեք անկամ երդուան նմա, զի մի նիւթ մահուան խորհեացին նմա. և ապա առեալ զնացին ի դախդն (աթոռ) իւր՝ ուր միշտ նստեալ կայր. որ կոչի Յասն (Եաշ):

1572. ԹՎ. ՌԻԱ. Օլախի պարոն Պոկտան Վոյվոտան և իւր եղբայրն Բեդրան ելին իւրեանց երկրէն և եկին ի այս Իլախի աշխարհն, և կացին ոչ ինչ բազում ժամանակս. յետոյ կրկին կամեցան զնալ իւրեանց երկիրն. և Օլախի մեծամեծք չընդունեցին զնոսա. և ի թուրքի խոնդիքարէն բերին իւրեանց այլ ուրիշ պարոն ոմն Եւոն անուն, զոր ի Մոսկովի եղեր է ժամանակաւ: Եւ երբ տեսին այս երկու եղբայրքն՝ որ ատեցան և անարգ մնացին և ունայն իւրեանց պարոնութենէն, յետոյ հնարք գտին և զնացին առ զօրավարն Եազլովեցքին, որ նոցա ձեռնտու և օգնական լիցի, և տանի զիւրենք հեծելազօրովք, և նստուցանէ ի պարոնութիւն իւրեանց. և խոստացան նմա պարգեւս մեծամեծս: Եւ նա հրամայեաց հարիւրապետաց, զի իւրեանց զնդան երթիցեն և մոցեն ի երկիրն Օլախաց, և տարեալ նստուցեն զնոքա ի պարոնութիւն: Եւ իբրեւ մօտին ի երկիրն այն, ահա և նոքա պատրաստեցան և քաջացան, և հեծելովք ընդդէմ կացին, և ոչ ետուն թոյլ զի մը տանիցեն. և ոչ կամեցան զնոքա ի պարոնութիւն. այլ մանաւանդ բազում և շատ կորուստ եղաւ երկու կողմանէ, սոցա և նոցա, զի փոքր ի շատէ պատերազմեցան ընդ միմեանս. և թուրք ազգն այլ կայր ի հետ Օլախի: Եւ ապա դարձան ունայն և նկուն և ստեցեալք եկին դարձեալ ի աշխարհս այս: Եւ այդ Իւան պարոն շատ իշխանք և մեծամեծք ջնջեց և կորոյս ի Օլախաց ազգէն, դառն և չարաչար մահուամբ. որպէս երբեմն ի կռապաշտից ժամանակն: Եւ յայն ժամանակի զԽոզդինն այրեցին բովանդակ: Եւ էր զլուս զօրաց վոյվոտայ Բոտոլսքի:

1572. ԹՎ. ՌԻԱ. Տէր Պետրոս ծեր քահանայն առ Աստուած փոխեցաւ. 52 ամ քահանայագործութիւն արաւ ի Ս. Աստուածածնին եկեղեցին, զոր Տէր Աստուած դասակից և պսակակից արասցէ զնա ընդ սուրբ քահանայսն և ընդ արդարսն. ամէն:

1572-3 ԹՎ. ՌԻԱ. Եկաւ Տէր Մարտիրոսն Համթեցի եպիսկոպոս ի այս աշխարհս՝ նուիրակ. և ընդ նմա Տէր Յովանէս անուն երէց մի, զոր ի յիւլովն վաղճանեցաւ. և Տէր Մարտիրոսն նուիրկեց զԻւլովն և զԿամենիցն, և ելաւ զնաց փառօք և պատուով:

1572. ԹՎ. ՌԻԱ. Յուլիս ԺԵ. Բան Միքօլայ Գրիգորի նստաւ ի Կամենիցս սղարոսդայութիւն, հրամանաւ բարեպաշտ Թագաւորին Զիկմունդ Ա.